

Morning Dogri (NSD) National News Bulletin 19-07-2025

आकाशवाणी

- प्रधानमंत्री नरेन्द्र मोदी होरें एह गल्ल देइयै आखी ऐ जे 2047 तगर भारत दे विकसित देश बनने दे मुल्ले दा संकल्प बारे कुल संसारी स्तर पर चर्चा होआ करदी ऐ।
- केन्द्रीय इलैक्ट्रालिक ते सूचना प्रौद्योगिकी मंत्री अश्विनी वैष्णव होरें आखेआ जे मुल्ला च तैआर कीता गेदा अपना पैहला सैमी कंडक्टर भारत इस ब'रे उपलब्ध करोआई देग।
- चुनाव आयोग नै आखेआ ऐ जे मतदाता सूचिएं दी नजरसानी सरबन्धी चला करदी प्रक्रिया च अजें तोड़ी 95 फीसदी मतदाताएं गी कवर कीता गेआ ऐ।
- छत्तीसगढ़ दे नारायणपुर जिले च कल सुरक्षाबलें इक टाकरे दरान 6 माओवादिएं गी मारी मकाया।
- भारत दे विभाग नै केरला च कल तोड़ी बड़ी भारी बरखा दी चेतावनी जारी कीती ऐ।
- हंगरी दी भुद्धापैस्ट थाहर आयोजित पोलियक इमे एंड वारगा जानोस मैमोरियल प्रतियोगिता च भारत दे पहलवानें 2 सुन्ने दे, इक चांदी दा ते इक कैह दा तगमा मलाइयै कुल 4 तगमें जित्ती लैते न।

<><><><><><>

PM-Bihar

प्रधानमंत्री नरेन्द्र मोदी होरें बिहार ते पच्छिम बंगाल च 12 जहार 600 करोड़ रपे दे मुल्लें दे केई विकास परियोजनाएं गी शुरू करोआया। कल मोतीहारी च इक रैली गी संबोधत करदे होई प्रधानमंत्री होरें आखेआ जे उंदी सरकार पूर्वी खित्ते दा विकास मुल्ला दे पच्छमी हिस्सें च विकास दी तर्ज उप्पर करा करदी ऐ। उनें आखेआ जे पूर्वी रियासतें दे विकास बिजन मुख्य विकसित देश नेई बनी सकदा। उनें आखेआ जे केन्द्र ते राज्यें सरकारां रलियै बिहार दे विकास लेइ कम्म करा करदियां न। एहदे थमां पैहले उनें 72 जहार करोड़ रपे दी केई परियोजनाएं गी नमित कीता ते केई परियोजनाएं दा नीह पत्थर रखेआ।

पच्छम बंगाल दे दुर्गापुर थाहर उनें 54 सौ करोड़ रुपें दी योजनाएं गी मुख्ये दे नमित कीता ते केइएँ दा उदघाटन कीता।

<><><><><><>

PM-Develop Nation

प्रधानमंत्री नरेन्द्र मोदी होरें इस गल्ले गी जोर देइयै आखेआ ऐ जे मूल ढांचे च व्यापक बदलावें कन्नै 2047 तगर भारत गी विकसित देश बनाने दा संकल्प कुल संसारी स्तर पर चर्चाएं दा केन्द्र बिंदू ऐ। कल पच्छम बंगाल दी दुर्गापुर थाहरा पर बोलदे होई एह गल्ल आक्खी, उनें उत्थें 54 जहार करोड़ रुपे दी लागत आली केई परियोजनाएं गी शुरू करोआया ते केइएँ दा नीह पत्थर रखेआ, जेहदे कन्नै खित्ते च मूलढांचे ते आर्थिक स्तर पर विकास होग। प्रधानमंत्री होरें आखेआ जे कुल संसारी सतह पर अज्ज भारत दे विकसित देश बनने दे धेइयै बारे चर्चा होआ करदी ऐ।

<><><><><><>

Vaishnav Hyderabad

केन्द्रीय इलैक्ट्रानिक ते सूचना प्रौद्योगिकी मंत्री अश्विनी वैष्णव होरें आखेआ ऐ जे भारत अपना पैह्ला सैमी कंडक्टर इस बारे तैआर करी लैग। कल हैदराबाद च केशव मैमोरियल एजुकेशनल सोसायटी दे 85में स्थापना दिवस दे सरबंधे च लग्गे दे समारोह च बोलदे होई उनें आखेआ जे भारत दुनिया भरै च सैमी कंडक्टरें दे मामलें च इक बड़ा महत्वै आला मुख्य उभरियै सामने औग। उनें आखेआ जे सरकारै पैहले गै 6 सैमी कंडक्टर सयत्रें दी मजबूरी दित्ती दी ऐ, उंदा निर्माण कम्म चला करदा ऐ ते इस बारे मुल्खा च तैआर कीता गेदा पैह्ला चिप उपलब्ध होई जाग।

<><><><><><>

Rijiju

संसदीय मामलें दे मंत्री किरन रिजिजू होरें आखेआ जे जस्टिस यशवंत वर्मा हुंदे उप्पर महा अभियोग आले मामले उप्पर सब्बै पार्टियां इक मत न। जस्टिस वर्मा हुंदे घरां बड़ी मती मात्रा च नगदी बरामद होई। इक खबर अजेंसी कन्नै गल्लबात करदे होई उनें आखेआ जे उनें इस मामले बारे बक्ख-बक्ख सियासी पार्टिएँ दे वरिष्ठ नेताएं कन्नै गल्लबात कीती ऐ।

उनें आखेआ जे ओह उनें पार्टिएं कन्ने बी संपर्क करा करदे न जिंदा संसद च इक-इक सांसद ऐ की जे सरकार कुसै इक सांसद गी बी बाहर नेई रखना चाह्दी तां जे संसद च इक राय कन्ने फैसला कीता जा।

<><><><><><>

STR Bihar

चुनां कमीशन नै आखेआ ऐ जे चुनां सूचि दे विशेष गठन समारोह-एसटीआर मुहिम दे तैहत अजे तगर बिहार च 3 करोड़ 48 लक्ख शा मते गणना फार्म कडेरे गेदे न, जेहड़े कल गणना फार्म दा 94.68 फीसद ऐ। चुनां निकाय नै आखेआ ऐ जे हुन सिर्फ 5.2 फीसद मतदाता अपने भरे दे गणना फार्म जमा करोआने लेई पिच्छे रेह्दे न ते उंदे चा मते सारे औने आले दिनें च दस्तावेजे कन्ने अपने गणना फार्म जमा करोआने लेई समां मगी चुके न।

<><><><><><>

Chattisgarh

छत्तीसगढ़ दे नारायणपुर जिले च कल सुरक्षाबले कन्ने टाकरे च 6 माओवादी मारे गे न। राज्य पुलस महानिदेशक पी.संदरराज होरे आखेआ जे अबूझमद इलाके दे जंगले च उसलै बंदूके दी लड़ाई शुरू होई गई जिसलै सुरक्षाबले दीसांझी टीमें विद्रोहिएं दी मजूदगी बारे टकोह्दी सूह लगने मगरा माओवादी विरोधी अभियान रंभेआ। अजे तगर टाकरे आली थाहराथमां 6 माओवादी दियां लोथां बरामद कीतियां गेइयां न।

<><><><><><>

IMD

भारतीय मौसम विभाग नै केरला च कल तगर रैंड अलर्ट जारी करदे होई बड़ा भारी बरखा दी पेशगोई कीती ऐ। विभाग नै राजस्थान, मध्यप्रदेश, असम, तमिलनाडू ते कर्नाटका च अज्ज भारी थमां बड़ी भारी बरखा लेई ओरेंज अलर्ट जारी कीता ऐ। विभाग नै आखेआ ऐ जे हिमाचल प्रदेश, उत्तराखंड, उत्तर प्रदेश, जम्मू कश्मीर, पंजाब ते हरियाणा च 24 तरीक तगर टावीं टावीं थाहरे पर भारी बरखा दी संभावना ऐ ते अगले 7एं दिनें तगर उत्तर-पूव हिस्से दी केई थाहरे उपपर दरमेयाने दर्जे दी बरखा पेई सकदी ऐ।

तोआई दिल्ली-एनसीआर इलाकें च इगले 5एं दिनें तगर गासा च बद्दल घनोए रौहने ते हल्के दर्जे दी बरखा होने दी पेशगोई कीती दी ऐ।

<><><><><><>

Wrestling

हंगरी दी भुद्धापैस्ट थाहर आयोजित पोलियक इग्रे एंड वारगा जानोस मैमोरियल प्रतियोगिता च भारत दे पहलवानें 2 सुन्ने दे, इक चांदी दा ते इक कैह् दा तगमा मलाइयै कुल 4 तगमें जित्ती लैते न। ओलंपियन एटीम पंघल ते हर्षिता नै अपने अपने भार वर्ग च जित्त हासल करने मगरा सुन्ने दे तगमेहासल कीते। एंटीम नै 53 किलोग्राम भार वर्ग दे फाइनल च रूस दी नतालिया मलिशेवी गी 7-4 कन्ने हराया।

<><><><><><>